

PLAUSUS MUSARUM
OXONIENSIMUM;

SIVE

837. m. 10.
9


Gratulatio Academiae

Ob Res Prospere Terra Marique Gestas.

In Comitibus Philologicis Habitis

IN THEATRO SHELDONIANO

Calendis Januarii 1704.



OXONII, E THEATRO SHELDONIANO,
An. Dom. MDCCIV.

MUSEUM
OXONIA

Statutio Academica

Of the Progress of the Human Mind
in the Arts and Sciences
IN THEATRO SHROTONIANO



OXONIA THEATRO SHROTONIANO
C. 1750

PLAUSUS MUSARUM &c.



P R O O E M I U M.



LAMORE lætiori & plausu,
aut Academicæ frequentiæ gra-
tiori, quam quibus Triumphi,
SERENISSIMA REGINA, tui
hodierno die celebrantur, hi pa-
rietes certe nunquam resona-
runt. Sive enim rerum gestarum magnitudinem, Sapien-
tiam Imperatorum atque Consilium, invictamque Forti-
tudinem spectemus, quid admiratione dignius? sive fæli-
ces præliorum Exitus, uberrimosque victoriarum Fructus
longe lateque sparsos, quid gaudiorum plenius? hand enim
OPTIMÆ PRINCIPIS angusto *Regnorum* suorum, et si
Trium, limite coarctantur victricis dextræ Beneficia, quin
per suas *Socii* terras, disseminata potissimum grato animo
fatentur: *Socii* inquam, hinc longissime remoti, infinita
locorum

PLAUSUS MUSARUM

locorum distantia à se invicem disjuncti; *Populus, Reginae* nostrae amore & cultu duntaxat, *Unus*: Quemque, quam Beneficiorum titulo, alio certe Suum nuncupare nollet Ipsa; Ipsa, quæ bellum suscepit non tumida gloriæ cupiditate, sed Misericordia Pioque Affectu mota; non ut Imperii Sui fines proferret, sed ut Aliorum tueretur; non ut cæde & sanguine Vicinorum agros fœdaret, verum ut ab istis eos miseriis liberaret; non ut Victis imponeret servitutum, sed ut exueret; ut Afflictos erigeret, ut desperatis rebus Manu Salutifera succurreret, ut non tam Martis quam Justitiæ gladio suum cuique restitueret. Hinc fit quod Legiones tuæ, ANNA PIENTISSIMA, à tot Principibus Absentes ægre desiderantur, Præsentes excipiuntur ut Hospites; Vocatæ etenim adveniunt, non Vi irrum-pentes; ut à vi protegant, & Prædones exturbent, quicquid fraude aut ferro sibi arripere potuerant, hætenus impune possidentes.

Res, nimirum, incredibilis est, eundem Militem iisdem Sociis conjunctum, eadem fortitudine & fiducia utentem, & à celeberrimo Hæroe ad arma nato, castris assueto, & præliis exercitatissimo ductum & incitatum, ea Tot Annos dispari successu frustra molitum esse, quæ Paucis Mensibus sub muliebri regno sine tædio & mora celeriter Confecerit. Sed Auspicia susceptis, POTENTISSIMA PRIN-

CEPS,

OXONIENSIIUM &c.

CEPS, defuere Tua; Cujus, quod summi Imperatoris Fortitudini negatum fuerat, Pietati Bonitatieque id gloriæ concessum. Has enim Palmas ne dubites, OPTIMA PRINCEPS, præclarissimæ Virtuti Tuæ acceptas referre, debita incorruptæ Fidei & intemerati erga *Ecclesiam* Amoris præmia: eumque Hostem, quocum varia fortuna vis *Europæ* diu colluctata est, quique tot Exercitus prælio fortissimos, tot Imperatores consilio & virtute illustrissimos fuderat & circumvenerat, è fastigio potestatis precibus potius quam armis putes Te tuis deturbare; & occisorum manes, oppressorum lachrymas, Majestatem supremam Aris depulsam, ipsamque *Galliam* sub gravi Tyrannide gementem & laborantem, Vindicem ulcisci. Sic decennali olim obfidi-
one fatigatis *Græcis* & viribus fractis suppetias venit *Divina Pallas*, & excisa Troja belli ab Achillis nunquam armis, finiendi sibi famam vendicavit.

Hos vero inopinatos successus, præter spem magnos, & celeritate incredibiles, quorum singuli aliorum arma iusta laude cumularent, at *Tyranni Gallici* jam tumidos plus satis Inflarent animos, quid ni majorum nobis pignora existimemus? Atque, ut re sunt, Prodigiorum ad instar, res adhuc mirabiliores portendere? Monstris & Tyrannis graviter vexato suos labores mundo prædixit, anguibus in cunis interemptis, *Infans Alcides*: pares labores parem-
que

PLAUSUS MUSARUM

que salutem ex oriente ANNÆ fortuna sibi auguratur afflicta & jacens *Europa*; quippe Cujus Imperii initiis, & quasi matutinis radiis Prædonum gloria & inhonestæ laureæ marcescere cœperunt. Nil quidem diuturnum est, quod ex vi ortum, aut rapinæ fundamentis innixum fulcitur. Justo, nimirum, & Æquo non minus stabiliuntur Imperia, quam certi motus & ponderis Æternis Legibus sustinetur hæc Rerum Compages. Quis igitur non ruitura videt regna *Lodovici* tua, æquiori tandem ANNÆ sceptro regenda? Opus hoc ad Veritatis Justitiæque normam inchoatum, Suum agnoscet *Deus*, & quo prius numine annuerat, eodem Ejus armis perget aspirare.

Hoc auspicato Die, quo utrinque Annus nobis obversatur, nihil nisi lætum & prosperum occurrit quocunque oculos convertimus: hinc Accepta beneficia, illinc Promissa intuemur. Superior Annus longo MAGNORUM MENSIVM ordine superbus incedit, quos Insequens currente temporis rota Reversuros pollicetur, spreta hyemis invidia, Eadem virentes Lauru. Novo rursus Carmine, Gratulationibus iteratis, quarum Hodiernæ quasi primi conatus sunt & rudimenta vocis, rumpetur Theatrum tuum *Sheldoni*; cumque ANNÆ fortuna una crescet & maturascet nostra Eloquentia. Nascente anno, fecundioribus denuo Ominibus *Hispaniam* tentabit *Rex Austriacus*; iterumque,

OXONIENSIIUM &c.

iterumque, vergente, *Malbergensem* novis Laureis captivi
Duces coronabunt. *Rookius* iterum *Europam* simul &
Africam suo fulmine quatiet, atque Imperium maris in-
tegrum & firmatum ANNÆ reportabit.

Pergas igitur, INVICTISSIMA PRINCEPS, iisdem
Auspiciis, quibus fæliciter inceperis; quaque via data est,
Ducem Fortunam tibi non infidam tuta sequare: sic foris,
Populus gravi sub Servitute gemens libertate donabitur;
Urbes proditiōe acceptæ, aut vi occupatæ Suis restituen-
tur; Exul populus, suis laribus, conjugibus, & liberis
redditus domum reducetur; & in Templis intaminatus
Dei Cultus iterum splendet. *Domi* vero, vel tua in-
dulgentia mollita FACTIO quiescet, vel iusto terrore, quo
hostes perculeris, Fracta procumbet. Quam Vicinis de-
deris, Tui tandem Pace fruentur, nec *Romæ* nec *Genevæ*
amplius minas *Ecclesia* Tua formidabit.

At quo temere excurrit Oratio, suorum finium ob-
lita? Vaticinari non est Oratoris, sed vestrum Egregii
Vates. Vestrum est futurorum Annorum penetralia in-
trare, reconditos recessus perscrutari, atque inde arcana
depromere, & futuris Laureis nondum natorum tem-
pora Heroum redimire, æque ac præterita Magnorum
Virorum gesta immortalī Versu æternitati consecrare;
Vobisque, Florentissimi Juvenes, quibus Magnarum ha-
rum

PLAUSUS MUSARUM

rum & Sublimium rerum æmulatione Corda jam calent,
suis numeris eas depingendas relinquo.

Jacobus Knight A. M.

Coll. Di. Jo. Bapt. Soc.



OXONIENSIIUM &c.

Strenæ Oxonienses.

AD REGINAM.

AUspiciis REGINA Tuis, revolubilis Anni
Nascentis Series, & lucidus Ordo Dierum

Incedit, faustique novant Exordia Menses.

Lapsa licet Senior claudat Vestigia Janus

Jam Moriens, longo tamen O! Memorabilis ævo

Æternum viget, Immortalia gesta Britannum

Splendescunt Fastis, olim argumenta Poetis

Tentanda, & seræ Invidiam accensura Juventæ.

Interea Vario certant Modulamine Vatum

Nobilis *Oxonidum* Pubes, studiosa Corollæ

Cæsareæ, Miscent flores, & Munere frontem

Castalia cingunt Viêtricem, Ornantque *Minervam*.

Hic canit *Hispanum* summissio poplite Regem,

Te Sociam belli, Orantem Tutarier armis

Austriadum instabile Imperium, dubiosque Penates.

Ille refert Urbem dura Obsidione gementem,

Landaviaeque Moras, & Tecta sepulta Favillis,

Atque iter ad *Lotharos* patefactum, & Pervia Regna,

Nudatosque agros *Senonum*, *Luparæque* minantes

Horrentem *Lodoicum* Anglos, Glademque Propinquam.

Alter

PLAUSUS MUSARUM

Alter depingit fœlici Marte superbum
Eugenium, *Aufonia* redimitum Tempora Lauro,
Confiliumque Sagax, & Inexpugnabile Robur,
Alpinaeque Nives *Gallorum* sanguine rubras,
Atque Exultantem depulsis Hostibus *Istrum*.

Alter sublimi describit Mœnia versu
Semiruta, everfasque Urbes, atque arva Colonis
Orbata, & latis Fumantia Castra Ruinis.
Heu! Patria *Bavarum* Extorrem, feroque dolentem
Deciduas Palmas, violataque Fœdera Regum!
Quis tamen O! Dignis exæquet Facta Camænis
Malburii? ut *Celtas* adigit violentus in undas
Attonitos, Ducibusque manus post terga revinctis,
Invehitur Curru, & longo trahit ordine Pompas.
Quis *Rooki* laudes vastum resonare per Æquor
Aufit Tritonis Concha, scopulosaque *Calpes*
Fragmina divulsa, & Domito data Jura Profundo?

Forfitan Ipse olim Tenui modularer Avena
Cæcas Argenti Latebras, quâ *Cambria* crescit
Montibus, & Nervos Bellonæ divite Vena
Spondet inexhaustos; Patrioque efficta Metallo
ANNA nitet, blandoque Rigescit Amabilis ore:
Atqui Pierios poscunt Majora Labores.

Dum vero *Angligenum* famæ Monumenta peractæ

Sacris

OXONIENSIIUM &c.

Sacris æternat Chartis *Redycina*, futuri
Haud incerta, novos Præſagit læta Triumphos,
Continuiſque Recens floreſcet Honoribus Annus.

Sic poſtquam *Auguſtus Romæ* ſubjecerat Orbem,
Victor ab Auroræ populis, Niloque ſubaſto;
Egregiis furgit ſæcundum Vatibus Ævum,
Heroumque creant Divinos geſta Poetas:
Hic Pleſtro Mollis trepidanti Prælia ludit,
Grandior Ille ſonat Lituo, Martiſque furores
Exprimit horrendos, Majeſtatemque Tonantis:
Nec Tibi Bella Pari deerunt celebranda *Maroni*,
Te *Flaccus* REGINA canet Numerofior alter,
Quæ ſuperas Pietatem *Æneæ*, & *Cæſaris* Arma.

Herbertus Mackworth

Humfredi Mackworth Equitis Aurati Filius natu Maximus,

& Coll. Magd. Sup. Ord. Com.

PLAUSUS MUSARUM

Carolus Tertius Hospes.

QUÆ nova Regalem pandunt spectacula Pompam,
Vinforiamque Domum festivis plaufibus implent?

Quid *Britonum* Proceres stellata veste superbi
Incedunt, niveoque choro, circum atria, *Nymphæ*
Collucent, dum multa *Venus* vibrat æmula formam,
Et gemmis oculisque immiscet amabile fulgur?

Aspicias? in medio exultat *Regina* triumpho
Sublimis, *Regemque* humilem, atque ad genua volutum
Erigit, hospitioque fovet complexa benigno.

Agnosco *Carolum*, rigidumque in pectore *Vellus*
Aurato, & vultus, majestatemque decoram
Augusti juvenis, sibi quem promittit *Iberus*
Expectans, Dominumque requirit decolor *Indus*.

O *Princeps*, vernans Decus, & spes altera gentis
Austriacæ! ut tacitam pertentant gaudia mentem!

Ut Te *Saxonice* splendor Venerabilis *Aulæ*
Raptat inexpletum! variam dum lumine *Divam*
Obliquo signas, excandescisque tuendo:

Hic charam oblitus patriam, & discrimina *Nerei*
Amplius haud ventos, & *Tempestatis* iniquæ
Incusas iras; hic tædia longa rependis
Difficilis cursus; dubiis solamina rebus

Expertum,

OXONIENSIIUM &c.

Expertum, grata in Terra juvat usque morari,
Quà blandum *Imperium* exercet metuenda *Venustas*.

Ast ANNÆ Famulas inter, nitidæque coronæ
Molle fatellitium, Comitem *Malburia*, fidam
Te colit, & digitum radianti munere cingit
Hospes Cæsareus; Forti qui dona *Marito*
Se tribuit fuco expressum, mistoque colore
Spirantem; gladiumque Auro atque Adamante coruscum,
Horrendum *Gallis*; lato cum limite Victor
Blenimiae frangit cuneos, *Senonumque* phalanges
Malburus metit, atque actas deturbat in *Istrum*.

Quin *Carolus* cunctantem, & dicere multa volentem
Mœsta vocat *Regemque* reposcit *Iberia*, duro
Servitio oppressa, & frænum indignata *Philippi*;
Ergo iter ad *Portum* accelerat, quà plurima puppis
Neptuni dorsum fecat, atque æterna supellex
Æquorei Martis, belli sæcunda futuri
Materies latet; hic miratur roboræ quercus
Angliacæ, pinus altas, piceosque liquores,
Implicitos funes, atque unco vincula morfu
Ferrata, & textum velorum, & fulmine foeta
Tormenta, *Hispani* levia haud tutamina *Sceptri*.

Jamque Vale *Princeps*, da ventis plena secundis
Carbasæ, & optatis felix allabere Terris,

Hospitium

PLAUSUS MUSARUM

Hospitium recolens *Britonum*, & nunquam immemor
Sic quondam *Aeneam*, *Lavinia* Regna petentem, [ANNÆ.
Auguriis Divum, variisque erroribus actum
Magnifico excepit luxu pulcherrima *Dido*,
Dimisitque opibus lætum, auxilioque refecit
Sceptri securum, & dignum *Fatalibus* arvis.

Rich. Chicheley A. B. Equitis Aur. fil.

Coll. Om. An. Soc.

Clades Hocstadiensis.

ERgo iterum undanti *Bavarum* perfusa cruore
Pinguescunt Arva, & late vastata recenti
Cæde tepescit Humus, veteri quæ funere surgit
In tumulos, *Suevumque* urnis, atque ossibus alba
Gustavi testatur adhuc miseranda triumphos?

Explicat hinc *Britonum* meliori Marte Catervas
Malburinus, *Gallisque* immani strage subactis,
Principis Infidi fastus contundit inanes,
*Imperii*que ruentis opes foelicior armis
Defendit, quas frustra olim concussit *Adolphus*.

O! Pugna æternum memoranda, O! inclyta Clades
Hocstadiæ, æratis O! inscribenda Columnis,

Perpetuumque

OXONIENSIIUM &c.

Perpetuumque decus latura *Annalibus Anglis.*

Tallardus narret lacrymans infanda Diei
Illius excidia, & lectissima corpora *Gallum*
Prostrata, everfas turmas, victique dolorem
Borbonii, & diri haud delenda opprobria belli:
Ut subito ponte, & contextis cratibus undas
Angligenæ tranant; fallaci lubrica cœno
Agmina vix firmant gressus, ulvaeque laborant,
Ambiguisque trahunt vestigia lenta lacunis:
Dum circum volitat tempestas plumbea, fossas
Tranfiliunt, mediumque acres rapiuntur in hostem
Impete fulmineo, pavor undique, & undique cædes,
Et gemitus morientum, atque illætabilis horror
Ingruit, obstantem *Galli* impelluntur in alveum,
Danubiusque tumens spumanti sanguine crescit:
Blenimie interea trepidantes morte propinqua
Obstupere Acies, victricia signa coactæ
Malburii agnoscunt, nudataque valla relinquens
Exorat pacem positis *Exercitus* armis.

Haud fecus *Æacides Trojanorum* agmine *Xanthum*
Implevit stagnantem, aggesta cadavera fluctu
Manca natant foedo, immisso furit intus aquæ vis
Vulcano, falicesque crepant, virgultaque flammis
Correpta, & pisces squamis horrentibus ardent.

Jam

PLAUSUS MUSARUM

Jam taceat fictos venalis Musa triumphos
Borbonii, & *Rbeni* superantes flumina *Celtas*
Descripti toties; fileat *Boilavius*, alter
Parisiis Flaccus, Satyræque & Laudibus aptus;
Sin vero calamos, Vates venerande, refumas,
Hanc saltem Labem *Lodoici* intexere fastis
mittas; aut tristi deplores carmine cæsos
Heroas, devota probrosis cladibus arva
Hocfladiæ, turmasque fugaces, vulnere tardas
Innumero, & cæcum per iter, nemorumque recessus
Elapas, sparsoque rubentes sanguine dumos:
Ast O! *Tallardo* indulge, atque obtende dolori
Captivi velum Ducis, & miserabile Nati
Funus deflentis; nunc corde exæstuat imo
Dedecus infixum, & casus crudescit acerbus:
O! quam dissimilis, quantum O! mutatus arenas
Saxonidum repetis, qui quondam fœdera Regum
Sanxisti Orator, nunc ipse inglorius hospes
Malburii sequeris currus, ornasque triumphum.

Henricus Hedges Honoratissimi *Caroli Hedges*

Equ. Aurati & Reginae à Secretis fil. natu max.

& Coll. Magd. sup. Ord. Com.

OXONIENSIIUM &c.

Bavarus profugus.

B. **V**ictrices *Anglorum* acies, tardumque cruore
 Danubium, & virides *Churchilli* in vertice *Lauros*
Multà canunt Omnes; à cunctis exigit Heros
Carmina, *Marlburioque* omnis debetur Apollo.
Seu referat castris exutos cominus Hostes
Vallorumque moris: seu *Gallos* æquore Campi
Deletos, *Bavarique* fugam; qui tristis & exul
Reliquias populi linquit, semiustaue Regna,
Et ruit amissis trans *Rhenum* inglorius armis.

D. Ecce vices Rerum instabiles! O lubrica Fata
Principis! Ille igitur pulsus natalibus Arvis
Regalemque Domum, & pulchras desiderat Urbes?
Sic pius *Aeneas* excisæ Incendia *Trojæ*,
Sic victus notas fugiebat *Carolus* oras:

S. Quorsum hæc? Num patriæ Te præbes Hostibus
Et festos audes Luctu temerare Triumphos? [æquum?
Te credam (Infidiis cum sis instructus, & Arte,
Confiliisque potens) per Amici fallere nomen,
Corruptum *Lodoici* auro, *Gallisque* faventem.

D. Me vero haud quisquam *Britonum* victricibus armis
Lætior exultat, *Gallosve* fidelius odit:
Ast Ego (sic me Animi finxit Natura tenelli)

Magni

PLAUSUS MUSARUM

Magni dura Ducis nequeo non fata dolere;
Felicis, tostos profugus si errasset ad *Indos*,
Æternamve Hyemem, nivibusque latentia Saxa:
At nunc (quæ graviora) suæ confinia Terræ
Incolit, & pæne in propriis miser exulat Agris.

S. Et merito; semperque luant sua facta Rebelles,
Auro venales; Sociis, Patriæque, Sibique
Infidi, & *Bavaro* fimiles: jam *Gallica* signa
Indignans sequitur, curtoque superbit Honore
Dimidius Princeps. I nunc, Titulosque pusillos
Quære miser; si tanta audes, si pectore Robur
Tantum degeneri, curam fortire Cohortis,
Expectans alieni inhonesta stipendia Belli.

B. Parcite Vos liti ambiguae; tenet Error utrumque,
Neve Tuo (ad D.) luctu Ille, Tuo (ad S.) neque Scommate
Quin recolas *Turcarum* undantia sanguine Valla, [dignus.
Innumerosque Duces fusos ad mænia *Budæ*.
Ipsa Viri armatam tremuit *Germania* dextram
Nuper, & *Austriaca* *Cæsar* non tutus in aula:
Expertus toties, qua dirigat arte Phalanges,
Præliaque instituat; quantus spumantia fræna
Flectat Equi ardentis, quo fulmine torqueat iras
Prima acie: Seclis dabit Illum Fama futuris
Affuetum palmis, generosum, & Martis amantem,

Fortem

OXONIENSIIUM &c.

Fortem animis, & Te solo, *Churchille*, minorem.
Nulla fides Homini interea; Mens turbida fastu,
Impatiens frœni, cupiens aliena, fuique
Prodiga, vasta petens, *Gallorumque* æmula luxus.

D. Sed nec Ego obliquos ausim defendere mores
Digni laude Viri: quanquam O! nisi Numine lævo
Borbonii in partes temere jurasset, amici
Exciperent plausu *Britones* Heroa secundo,
Tuque (ad *B.*) minus fido numerasses crimina versu.
Nunc etiam nimium crudeles pendere pœnas
Cogitur; Imperio avelli, patriamque videre
Funditus everfam, flammas per cuncta volutas
Culmina, & immensis exhaustas cœdibus Urbes.
Hæccine tam nota *Anglorum* clementia, cunctos
Obruere Excidio, per mille Incendia vicos
Spargere, & informi Gentem vastare ruina?

S. Egregio ergo Duci referat cladem Illa, suamque
Ipse Sibi; Inviti nos tantas edere strages
Urgemur, neque sævo evertimus Oppida ludo,
Celtarum Exempla, & *Lodeici* iussa secuti.
Ipse suas nostro disjecit fulmine Turres
Improbis, Ipse agros ferro populavit & igne.
Scilicet ut Solio *Leopoldus* cedat avito
Pulsus, & *Austriaco* *Bavarus* dominetur in Ostro.

Affectans

PLAUSUS MUSARUM

Affectans aliena, suo spoliatur honore

Demens: Sic Sociis largitur prodigus Orbem

Divisum *Lodoix*; sic dant Diademata *Galli*.

B. Sic valet *Angliadum* Virtus contundere vires

Omne nefas meditantum, & debellare superbos.

En Cunei turbati! En! præcipitatur in Undas

Dimidium belli; Fluvio dant corpora saltu

Quadrupedes, denique Equites è margine Ripæ

Volvuntur proni in capita: glomerantur in alveo

Agmina *Danubii* confusa, & gurgite vasto

Semianimes luctantur Equi; crepitantiaque Arma,

Attonitosque Viros rapidi rotat Impetus Amnis.

Ipse fugit; crudosque suorum linquit Acervos

Bis victus; *Gallorum* auro, ferroque *Britannum*.

D. Jam fovet infelix vigiles sub pectore curas,

Flandriacisque gemens incusat Sydera castris.

Nunc raptos queritur Natos, dulcisque relictum

Conjugis amplexum, & vidui Divortia lecti.

Illa moram exiguam, non æquo Marte resistens,

Objecit cladi, & properantes distulit Hostes.

Dum tremuit pavitans, & Milite cincta, Maritus

Ah! quantum timuit ne qua Illam Injuria belli

Læderet, aut teneros afflarent Sulphura vultus!

Nunc ægrum in Somnis inamabilis urget Imago

Marlburii;

OXONIENSIIUM &c.

Marlburi; media semper de nocte recurſat

Blenhemium: ſemperque ſibi renovare videtur

Prælia nequicquam, & fugientes quærere Turmas.

Producit mærore Diem; non appetit ultra

Impatiens pugnam, nec Equos aut Agmina curat:

Telum imbelle vibrat lugens, ac debile fulmen,

Et jam non gratis labefactus languet in armis.

S. Mite Viri ingenium narras, manſuetaque corda:

Sic nota Illius pietas, Animusque remiſſus?

Indignans potius, furiisque agitatus & ira

Horrendum tonat, & Cœlo convicia torquet.

Multum Hoſtes odit, magis execratur Amicos;

Nunc ſe ultro damnat, patriæ qui fœdera demens

Diffuerit; nunc venturum promittit in annum

Vindiſtam, jactatque minas ridendus inanes.

Infana Virtute ardens cupit Agmina foſſis

Exuere, & *Batavos* Valli munimine tutos.

Gallica quin obſtat Prudentia, & Ora coerſcet

Sæpe reluctantis, cohibetque & temperat Iras.

Ille pati Dominum indocilis, frœnoque repugnans

Obſequium præſtat tardum, invitusque quieſcit.

Aſt Animi ſimulac paulum deferbuit *Æſtus*,

In Venerem, & Bacchum præceps ruit, inde Doloris

Lenimen quærens; at non ſolatia Menti

Fert

PLAUSUS MUSARUM

Fert vel crebra Venus, multive frequentia Bacchi.

Infomni tantos volvens sub pectore fluctus

Curarum, sine fine furit, noctesque diesque

Pænas dat meritas. *D.* Meritas equidem Ipse fatebor;

Cedo etenim, & victus casum deflere Tyranni

Defino: *Flandriacis* fugiat mox pulsus ab Agris,

Borbonique fui petat arva remotior Exul.

B. Inveniet multos, eadem quos aspera Fata

Urgent, Exilii comites; Sociosque salutans

Gaudebit; dabitur Fratris jam tangere dextram

Principis ambigui, cui dudum affuescere *Gallis*

Contigit, amissæque dolere Insignia Mitræ.

Illic & nostrum Juvenem, atque umbratile cernet

Imperium, & ficti simulata Palatia Regis.

Atque alios plures, *Lodoix* quos æquus amavit,

Aut ardens misit *Parisma* ad mænia Virtus.

D. Felicem *Lodoicum*! Ejus succedet amico

Hospitio populus Regum, ingentesque subibunt

Tectis Terrarum Domini; quibus Ille beatis

Sceptra bonus vel falsa dedit, vel vera revulfit.

B. Forfitan & comitem se tandem *Hispanicus* addet

Regulus, & *Carolo* folium non sponte relinquens

Instituet parvum falsa sub imagine Regnum.

S. Illius exigua *Bavarus* famuletur in aula

(Istam

OXONIENSIIUM &c.

(Istam Virtuti tantæ concedimus ultro
Mercedem) tenuisque faceſſat juſſa *Philippi*.

D. Quin potius fatis vivant æqualibus; Omnes
Exæquant Mors & *Lodoix*; ſecurius Ævum
Jam dabitur victis, humiliſque modestia Vitæ.

B. Non alios populo ostendunt Proſcena ludos,
Hiſtrio cum prodit gemmis inſignis & auro,
Sublimes quatiens plumas; quem purpura veſtit
Pone fluens, nitidique includunt crura Cothurni.
Ille pede ingreditur tardo, vultuque Tyrannum
Exprimit, & tumido frangit ſubſellia Verſu.
Mox ubi mutatam exercet nova fabula Scenam,
Depositis idem phaleris, & grande ſonanti
Carmine, dignatur plebeio incedere greſſu.

S. Illic jam peragent miſſis lenta otia curis,
Privatis hilares Vitiis; non amplius anget
Imperii labor; at tutis vacuiſque licebit
Indulgere jocis vinoque, & fallere Tempus
Colloquio; aut Talis ſimulachra ciere Triumphi
Mentiti, & quaſſo levia arma movere fritillo.

B. Nec jam de dubiis ineant certamina Sceptris
Ludicra, ſed Nummis. *S.* Si Nummi forte ſuperſint.

D. His autem abſtineant moneo: nè ſæpè recurrant
Fortunæ inſtabiles Luſus, atque Alea belli.

B. Exitus

PLAUSUS MUSARUM

B. Exitus hic Illis: meliorum munere Divum
Per totum resonant *Anna*, & *Marlburius* Orbem;
Qui soli fessis poterant succurrere Rebus
Cæsaris, Imperiique graves fulcire Ruinas.
Jam redit haud uno noster *Germanicus* Heros
Insignis titulo, & peregrino Nomine Princeps.
Perpetuus jam Victor eadem forte movebit
Prælia, dum tantæ cupidi subscribere famæ
Certatim meritos dant *Anna* & *Cæsar* honores.

Ricardus Dawes Armig. Fil.

Gul. Bucknall Equ. Aurati Fil. unic. } e Coll. Wadh. Sup. Ord. Comm.

Gul. Seys Armig. Fil.

OXONIENSIIUM &c.

Res Germana restituta.

Interlocutores, *Gallus, Germanus, Anglus.*

Gal. **E**Rgo dies promissus adest, & debita Parcae
Tempora complerunt. Tua nunc super æthera
Fama volat, *Lodoice*; Tuo sub numine victrix [late
Gallia, solennes iterat pro more triumphos,
Dona recognoscens Divum: Tibi protinus omnes
Addunt se comites, Tua cura haud ultima, Musæ,
Intexuntque sacros lauro *Permesside* crines.

G. Quænam hæc lætitiæ species? quinam iste triumphus
Borbonidæ? (*A.*) Adverso nimirum Marte cohortes
Perdidit infelix: hinc læto carmine *Pæan*
Consonat; ut pueri simulant effingere risum,
Cum manus *Orbili* & durus dolor ossibus hæret.

Gal. Nos quibus *Aonias* artes, sua munera, donat
Cynthius, adjectosne Tuis dicamus *Iberos*
Fascibus, Occiduique ultro spolia aurea mundi?
Anne ut *Teutonicis* exercitus intonet oris
Sequanus? ut sævo concussæ fulmine belli
Deplumes trepident Aquilæ? ut *Rheni* gravis ira
Defluat, atque *Ister* tibi serviat omnibus undis?

G. Egregium vero vatem, versuque merentem

Laurea

PLAUSUS MUSARUM

Laurea cui cingat crines, & quem suus Heros
Præficiat Musis! (*A.*) Pellacem ut scilicet æquet
Boilæ calamum, & venales æmulus artes.
Quin fine, fabellis pergat fibi plaudere vanis.
Mox & *Brutigenæ* procures *Senonum* arma tremiscunt;
Mox & corda pavent *Rooki*, & *Malburia* virtus;
Et *Thamesine* pater, verso fugis improbus amne.
Vel quicquid numeris audebit *Gallia* mendax.

G. O cui multa hilarem indurat fiducia frontem!
Prædoni victo ne cessa affingere laudes,
Armipotens dum *Cæsar* ovat, belloque fugaces
Prosternit *Gallorum* acies. Tibi, maxime *Cæsar*,
Cui salvas debet tellus *Germana* Penates,
Jam nunc carmen ego, & votivam rite Poësin
Ingredior; cœptis adfit modo Diva, vetustos
Teutonas, & tepidos dulci modulamine *Runos*
Quæ quondam edocuit. (*Gal.*) Nec vanas hercule vires
Imploras; quondam *Geticis* ea præfuit arvis,
Concentu artificum & multo Dea tinnula Rhythmo.

A. Hac etiam, si vera reor, Diva auspice, *Naso*,
Tempora cum *Scythiæ* gelidas extorris ad oras
Transfigeret, tristes Elegos, miserabile carmen
Concinuit. (*Gal.*) Canit hinc vel adhuc miserabile *Tento*.
Quin Tu (ad *G.*) quando calet tanto tibi numine pectus,

Cæsar

OXONIENSIIUM &c.

Cæsaris acta refer, seu mira callidus arte
Immutare velis, præponens ultima primis,
Cæsareum nomen, donec mox ordine verso
Literulæ, magni Herois præconia fignent.
Seu libeat (paucis, quos *Dacus* amavit *Apollo*,
Contigit hoc) quinos metro pare texere versus,
Quorum in vestibulo & primi sub liminis oram,
Quæque suas fortita vices elementa decenter
Nominis Augusti emineant: ceu fimbria tractu
Fulgenti, niveam circum tegit aurea vestem.

G. Invidas utcunque licet, concepta dicabo
Carmina, *Celtiacis* bilem motura Camænis.

“Exuta incultum tandem *Germania* vultum
“Munera quæ donas? capiti quas læta coronas
“*Cæsareo* innectis? servatis carmina tectis
“Quæ struis? ille oras civili *Marte* sonoras
“Ut videt, & duros hostem undique cingere muros,
“Pandit pugnaces Aquilas, *Celtasque* fugaces
“Victor agit. Divam extemplo Pax tendit olivam,
“Et segetum plenis ridet *Ceres* aurea venis.

Gal. O suaves numeros, & dignum *Cæsare* carmen!

G. Parcius *Austriacis* jam disce illudere Musis.

At Tu, quando vacat, cur non tua carmina contra
Borbonidæ properas? amplum dabit argumentum

Suevum

PLAUSUS MUSARUM

Suevum Sylva Tibi, & rorantes fanguine campi.

Gal. Sit licet, ut memoras, duro mavorte celebris
Suevia, fanguineoque undantes flumine late
Intumeant campi; quota pars *Germanus* in illis?
Cæsar ubi hic? aut quas clades *Jovis* armiger ales
Edidit? ignavusque rapit præconia *Teuto*,
Externo auxilio & conductis debita turmis?

A. Saltem aliqua tanti veniant in parte triumphi
Angligenum focia arma finas: non illa per agros
Teutonicos ignota, aut sævi immunia belli.
O Diva, Heroas jamdudum affueta *Britannos*
Pieriis celebrare modis, age carmine læto
Fare memor, quantis *Britonum* imperterrita pubes
Exierit turmis! quo duri *Martis* amore
Ardescens, dulces natos dulcesque Hymenæos
Linqvit, femotoque laceffit litore pugnam!
Usque adeo stimulant animos & conscia virtus
Teutonidumque dolor! quin protinus agmine facto,
Per campos late steriles, per inhospita faxa
Urget iter durum, riguos quæ Mosa *Batavos*
Multiplici lustrat cursu, quæque ultima *Rheni*
Unda sonat. Non sentus ager, non longa viarum
Tædia præcipites tardant; simul emicat ardens
Vindelicum in fines, & densas explicat alas

Improvisa

OXONIENSIIUM &c.

Improvisa acies. Stupuit perterritus ima
Ister aqua: gelido ceu quondam Aquilone relicto
Horrida cum erupit gens, immanesque *Geloni*
Indomitique *Dahæ*; ingentique examine circum
Barbarus incubuit pavidis exercitus oris.

Gal. Hoc potius decus omne Tibi, fortissime Ductor,
Detulerim, *Tallarde*; tuis ea gloria cæptis
Debita: qui faustis avibus per & aspera longe
Dumeta, & nigros picea caligine lucos,
Borbonias duxisti acies, lugubre *Suevis*
Exitium. Spectant *Britones* & fulgidus armis
Teuto, nec optato prohibent consistere campo.

G. Ille quidem magnos peperit tibi, *Galle*, triumphos
Campus, ubi ingenti mactatas strage cohortes,
Sanguineo turgens gremio tegit *Ister*; ubi ingens
Borbonidum Ductor, turbato milite, victas
Tendit sponte manus. (*A.*) adfunt spectantque *Britanni*.

Gal. Sed nec Te indecorem erepta, Dux inclyte, parma
Spectarunt: cæsis *Rhætorum* millibus ante
Insignivit agros tua Dextera; leniter ante
Aspirans, *Gallis* dederat Victoria palmam.

G. O hominis durum os, ærataque robora frontis!
An lætas etiam Tibi squalens sanguine pompas
Skellemburga parit? cædes tulit illa recentem

Borbonio

PLAUSUS MUSARUM

Borbonio capiti laurum. (*A.*) quin define tandem
Mirari: fuerit commisso milite pugna;
Nil refert faveatne Deus qui præfidet armis
An tristi excidio ruat agmina; victor utrinque
Borbonius redit, & Tibi, Rex Gradive, tropæum
Sistit ovans. (*G.*) meritis certe, cui prælia Mavors
Fortunet, lætisque crepet Victoria pennis.
Eia iteret plausus vacuosque impune triumphos
Bellipotens Heros; placidis *Germania* Divis
Celtarumque aciem & foedi perjuria *Boii*
Dum temnit Secura; imum dum fulminat alter
Ad Rhenum *Lodoix*, virtusque invicta *Sabaudi*
Austriacis inimicam avertit sedibus iram.

A. Vos O *Italides* Musæ, queis dexter Apollo
Indulfit faciles numeros artemque canendi,
Vos patrium lætæ Heroem victriciaque arma
Eugenii celebrate. Alius mihi carminis ordo
Exoritur; Musam propior jam rite *Britannam*
Materies vocat, & *Phæbo* gratissima cura.
O mihi Diva pares dederit si in carmina vires,
Te canerem, *Marlbury*! alacri qui *Marte* secundus
Cæsareamque domum firmas, laudemque *Britannis*
Antiquam instauras Victor. Tibi litora longe
Plaudunt *Austriaca*, & meritas fert *Anglia* lauros.

Felix

OXONIENSIIUM &c.

Felix ante alios Heros! five agmina Ductor
Confilio regis artifice, tacitusque sub ipsos
Laberis improvise hostes; seu praelia misces
Dura manu, & pectus nudas in vulnera fidens
Immotusque animi. (*Gal.*) neque ego illi detrahere ausim
Hærentem capiti laurum: justosve negabit
Marlburii famæ titulos, utcunque *Britannis*
Infensus, *Lodoix.* (*G.*) pubes Mavortis alumna
Dum tali Genio fidens atque omine tali,
Provocat adversas acies, placida otia tutus
Cæsar aget. (*A.*) lætos victrix aget *ANNA* triumphos,
Europæ librans æquato examine lances.

Honoratissimus Dom. Dom. *Carolus Somerset*
Illustrissimi Ducis de *Beaufort* Frater.

Kingsmill Mackworth Equitis Aurati Fil.

Johannes Rayner Armigeri Fil.

} ex Æde Christi.

PLAUSUS MUSARUM

Malburius Germanicus.

M *Alburium* fulgentem Armis, gladioque minacem
Fatifero, & pavidos agitantem Fulmine *Gallos*,
Effigiem horrendam, & torvi spectacula Martis,
Musa lubens memorat; Toto ut flagrantis ab ore
Scintillæ erumpunt, ut foedi pulvere crines
Squallent, *Teutonicaque* gravantur Tempora Lauro!

At non fic teneros *Gloverni* mitior annos
Finxisti, mentem accendens Virtutis amore,
Cum Turmam exiguam instrueres, quæque *Ipse* secutus,
Et quorum pars parva fui, tentamina belli;
Quanquam, O! ni Vitam rupissent invida fata
Dilectam, duræ *Tecum* discrimina Pugnæ
Jam subiisset ovans, conforti insignis Honore
Blenimie Victor; pariterque in bella ruisssem:
Ignoscas lachrymis, importunoque dolori;
Nulla dies, *Glovernum* alta mihi mente repostum,
Semper honoratum, delebit, semper amandum.

Tu solus Parcarum iras, & damna rependis
Saxonidum, absolvisque Deos victricibus armis,
O ingens Stator *Imperii*, O Tutela labantis
Europæ, & sævis Ultor metuende Tyrannis!
Quam rapido cursu *Rheni* trans rauca fluenta,

*Danubii*que

OXONIENSIIUM &c.

*Danubii*que moras, & diffita Rura *Sicambrum*

Tendis iter tacitum, subitusque illaberis Hosti?

Miratur *Bavarus* lucentes ignibus Arces,

Atque improvise vastatos agmine Campos;

Incaſſum latet abrupti munimine valli

Incluſus; molem oppoſitam, denſasque phalangas

Malburius ſecat impatiens, & caſtra refringit;

Primitias ſacrans, creſcentiſque omina Palmæ.

Extemplo ferrata Seges pulchro ordine ſurgit,

Terribiliſque nitet, dum Tellus fluctuat ære

Ardenti; occurrunt acies, & funera ſpargunt

Confuſa; immoti *Britones* ſtridentia tela,

Flammarumque globos ſpernunt, tremulaſque Paludes

Pervadunt alacres, atque obluſtantur in ulva:

Mox *Gallos* ruere, atque Equites immergier undis

Præcipiti ſaltu; tardatur turbidus *Iſſer*,

Sanguineoque ſinu, & fumanti gurgite volvit

Cornipedaſque, Viroſque, & miſtæ ſtragis acervos.

Quis, *Tallarde*, pudor, quæ diro inſania luctu

Angit Te attonitum, dum fluctibus obruta cernis

Agmina, captivoſque Duces, Peditumque Cohortes

Heu! nimium fidas, miſeranda cæde peremptas;

Mox Ipſe æquali perpeſſus vincula fato,

Detrectaſque jugum indignans, & carcere frendes.

Ex

PLAUSUS MUSARUM

Ex illo servata novum *Germania* robur
Accipit, & fractæ incipiunt se attollere *Gentes*:
Jam pius Exortes statuit *Leopoldus* honores
Malburio, *Imperiique Sodalem* in parte requirit,
Et defenforem meritis insignibus ornat.

Sic *Roma* insolitis *Mavortia* facta perennat
Scipiadum, titulis; *Africaeque Asiaeque* potitos
Grata triumphali *Heroas Cognomine* donat.
Vindelicum haud aliter clades memoranda *Neronem*
Distinguit *Juvenem*, & peregrina fronde revincit
Barbaricis lætum exuviis, plausuque Senatus.
Et Tu, *Malburi*, Generosum stemma trophæis
Teutonicis decoras; dum passim Nobilis Hospes,
Dona recognoscens *Populorum*, & Pignus Amoris
Austriaci, invisis patrios, GERMANICE, Fines.

Gilbertus Burnet,

Reverendi admodum Episcopi *Sarisburyensis* Filius,

2 Coll. Mert.

OXONIENSIMUM &c.

CONCENTUS SECUNDUS.

Fœdus Lusitanicum.

CUR juncto resonant *Tartessia* littora plausu?
Quidve repentinis fervet *Lisbona* triumphis
Cæsareæ nondum manes lustrata puellæ?

En video! ambiguæ se pandit gloria scenæ,
Agnosco classem magna se mole moventem
Per maris *Hesperii* fluctus, undantia multo
Signa noto Varios formare per aera gyros
Prospicias, niveisque albescere marmora velis.
Hanc nimis angusto amplexus Tagus aureus alveo
Insolitum miratur onus, gemit unda sub ipso
Pondere navigiorum, & *Nereus* ipse laborat.
Portum ubi contigerint, ferventia littora circum
Infremuit Vulgus, pueri, innuptæque puellæ
Agglomerant una, abjectoque senecta bacillo

Claudicat

PLAUSUS MUSARUM

Claudicat admirata viros turreſque natantes.

Jam triplices firmo coaleſcunt fœdere gentes;

Belgæque, & Britones, Luſitanique futura

Diſcutiunt bella; hic teneri furtiva *Philippi*

Sceptra manu extorquent; hic fuſos Victor *Iberos*

Carolus urget ovans; & amico Corda *Lyæo*

Inflati madida depingunt prælia menſa.

Rookius interea ſecum graviora revolvens

Egreditur portu, pavidisque inſultat *Iberis*.

Eſt locus *Hesperiae* notus Cognomine *Calpes*

Monte ſuper ſummo, *Hiſpani* quaſi janua regni:

Hunc circum variæ murorum à fronte catervæ

Arma movere parant, dum puppes pone latentes

Inſtaurant duplicem pugnam, diverſaque bella.

Hic *Darmſtadus* ovans per acuti Sibila plumbi

Scandit inacceſſas rupes, objectaque valla

Tranfilit, ambiguſque refert ex urbe triumphos.

Dum recreat feſſos gemino ſub *Marte Britannos*

Rookius, it rumor portus liquiſſe recluſos

Celtiacam claſſem, atque iteratum intendere bellum.

Hiſ ſemel auditis, veluti Leo ſtratus in antro,

Dux nemorum, ſi forte videt rivalibus armis

Regna peti, fremit horrendum, & furibundus in hoſtem

Inſiliens patrios tutatur ſanguine campos.

Haud

OXONIENSIIUM &c.

Haud fecus in *Celtas Anglus* ruit, arcibus arces
Occurrunt, multoque explosa tonitrua fumo
Robora ferratis centum compacta catenis
Dilacerant, sparguntque novam per marmora cædem.
Mista per attonitos resonarunt murmura fluctus;
Hesperii caluere finus, dum sanguine pontus
Erubuit, tepidaque exsurgit fumus ab unda.

Jam *Gallos* retro fractas urgere carinas
Per maris *Herculei* fluctus, multoque labore
Telluri allapfos classis reparare ruinas.

Interea *Angliacis* per amici cærula ponti
Leniter aspirat ventus, placidosque susurros
Ingeminat laceri per honesta foramina veli.

Rookus in Oceano rursus Dominator *Ibero*
Fervere successu, versisque per æquoris undas
Tendere iter velis, propriamque revisere *Calpen*:
Hic ubi disposuit varios ad bella paratus,
Lætus abit, pelagoque suo confusus arenas
Appulit indigenas, classemque reducit ovantem.
O Felix, si non, alieno sole virescens
Laurus, ab invidia proprio marcescat in horto!

Tu tamen O patriæ decus & tutela *Braganzæ*;
Dum pactam fovet ANNA fidem, & muliebribus armis
Intonat in *Gallos* terra, mare sternit *Iberos*,

Parce

PLAUSUS MUSARUM

Parce supervacuis animum subfidere curis.

Si nondum meritas tibi tendit *Iberia* palmas,

Nec folio *Carolus* sedeat sublimis avito;

Siqua fides vati, novus hic, qui Vertitur, annus

Uberiora dabit Victrici præmia fronti,

Et tibi pacificæ nectetur Laurus Olivæ.

Carolus Osborn

Baronetti Fil.

2 Coll. Univ.

Calpe Expugnata.

Quid frustra *Lodoix* Aliena Nepotibus arva
Dividis, Imperiumq; *Europæ*, & non Tua Regna
Partiris, Sobolique breves imponis Honores
Borboniæ, Laurumque caducam, atque irrita Sceptra?
En! *Britonum* REGINA, Domus miserata Labantis,
Austriacam firmat Gentem, Diademate nudos
Alma fovet Reges, & Tutelaribus armis
Defendit Vindex, Solioque instaurat avito.

Illius Auspiciis, Victrici Classe per *Æquor*
Hesperium exultat *Rookus*, subigitque fateri
Nativum Dominum, atque *Aquilis* parere Receptis.
Herculeæ incassum *Metæ* Successibus obstant,
Necquicquam Natura voracem Gurgitis æstum
Opposuit Sinuosi; & Ponti immane Barathrum
Sorbet in abruptum Fluctus, aspergine cœlum
Irrorans, refluxoque Rates contorquet Hiatus:
Obsita necquicquam *Calpe* munimine Cautis
Præruptæ, Nimbis ignitis desuper Hosti
Intonat, & Liquidos accendit Sulphure Campos;

Non

PLAUSUS MUSARUM .

Non densatæ Acies, non Propugnacula Molis
Ardua, non Centum terrent disiecta Tuborum
Fulmina, ceu duri Anfractus, Aditusve maligni
Saxonidum reprimunt Animos; per Tela, per Hostes,
Nigrantes inter Latebras, Terramque dolosam,
Suppositumque Ignem, & Cæcis loca Foeta Ruinis
Impavidi Graffantur: Ut atro Turbine Membra
Tolluntur Semiusta! Cadavera sparsa sub auras
Fumant, atque solum Lacerata Strage cruentant!
Tum vero Attoniti subita formidine *Iberi*
Horrescunt, Portas reserant, atque Arma reclinant
Summissi, *Carolique* ultro Moderamine gaudent.

Tu tamen O! *Rookæ*, haud uno Marte Triumphas,
Ceu Pelago Terrave juvat Concurrere, Utraque
Insignis Palma, Gemino dominaris in Orbe,
Dat Tibi *Gradivus* Frameam, *Nereusque* Tridentem.

Eia! Age *Tholosi*, *Senonum* Irreparabile damnum
Si poteris Sarcire, impendentemque *Philippo*
Sistere Perniciem, & sublapso revolvere Fata,
Nunc Animis opus est, nunc totas exere vires
Gallorum, sternas Turritis Navibus æquor
Obductum, & *Lodoici* Armamentaria pandas
Collecta; En! Ventos sævique pericula Ponti
Perpeffus longum *Rookus*, Tibi cominus instat:

Instructas

OXONIENSIIUM &c.

Instructas nuper Puppes, unctasque Carinas
Ordine crescentes Triplici, Turmasque resectas
Milite confracto, & Quassata Classe fugabit.

O! Quantas Clades, quæ Funera volvit onustus
Neptunus, *Celtas* dum Flamma ultrice ruentes
Prosternit *Rookus*, Nautasque in Vortice raptos,
Reliquiasque Ratum fugientes spargit *Ibero*
Littore! Purpureo strident Incendia fluctu,
Arma, Duces, Tabulæque, & *Lilia* sanguine foeda
Miscentur, Truncique Artus, & Fumea Rostra.

Jam patet Oceanus, variasque licentius Oras
Mercator petit *Angligena*, atque Impune pererrat.
Visere ceu libeat flavo Pretiosa Metallo
Regna, & Nascentis Thalamos scrutarier Auri;
Halantefve *Arabum* Tractus, Redolentiaque arva;
Sive referre cupit Gazas Orientis opimi,
Lucentes Signis Phialas, & Sindona pictam,
Delicias Nymphis, Foliumque salubre Camænis.

Quin tandem fileant *Gracchorum* Turba furentum,
Seditione potens, Odiisque & Crimine semper
Rookæo infensa, & REGINÆ inimica Triumphis:
Oranti Pacem fas fit & ab Hoste doceri,
Quam supra Invidiam *Ducis* intemerata refulget
Gloria, & Obliquæ spernit Convicia Linguae.

Sic

PLAUSUS MUSARUM

Sic postquam *Alpini* perrupit Frigora Saxi
Hannibal, & dira *Cannarum* cæde trementem
Concussit *Romam*, *Aufoniis* truculentior armis
Carthago, invidit justis Ingrata Trophæis:
Necquicquam! hærescunt capiti Immortalia Serta,
Quosque negat *Carthago*, fatetur *Roma* Triumphos. *

Gulielmus Osbaldeston Baronettus,

è Coll. Magd.

OXONIENSIVM &c.

Imperium Pelagi prolatum.

DUM voce læta *Pieris Itala*
Suetum Triumphis *Eugenium* canit;

Dum *Belga*, dum sospes *Sicamber*

Malburio properat coronas:

Quem tu, loquacis Diva potens lyrae,

Laudare fumis? Quem facili paras

Ornare versu, *Gallicanis*

Invidiam faciente Musis?

Ecquid Theatro conveniet magis?

Ecquis canoris *Oxonidis* labor

Jucundior, quam Te, Tuasque

Threicio celebrare plectro

O ANNA laudes? Te Dominam Æquoris

Narrare, per quam latius Imperi

Porrecta Majestas *Britanni*,

Et liquidis data jura regnis.

Te *Maurus* ambit sollicitus; Tuum

Dudum subactus horret *Iber* jugum:

Metusque *Gallorum* fatetur

Tholusi fugiens triremis.

Fallorne?

PLAUSUS MUSARUM

Fallorne? celfas an video rates

Depræliantes composito æquore?

Quæ tela, quæ diræ feruntur

Æthereum per Inane flammæ?

Sublata densis agmina militum

En miſta fumis, vaſtaque robora

Diſjecta, & ardentes carinas

In medio crepitare ponto!

En fida morti pectora ut objicit

Britanna pubes, & *Senonas* ruit!

En contra ut obluſtans *Britannos*

Celta premit, bene notus hoſtis!

Diu pependit ſcilicet illius

Fortuna pugnæ; ſed *Rokius* novum

Inviſtus adjecit vigorem

Militibus; ſed amica Divis

Fides *Britannorum*, & Pietas tua,

REGINA, fauſtos reddidit exitus:

Et Regibus certum futuris

Imperium pelagi arrogavit.

Jam fracta virtus *Celtigenum*, & metu

Percuſſa triſti pectora; jam fugam

Parare cernas, & latentem

Claffe cita reparare portum

Tutos

MOXONIENSIMUM &c.

Tutos tenebris. Hinc *Senonum* retro

Sublapsa ferri spes, & inanium

Promissa Vatum eludi, & altæ

Lutetiæ trepidare Turres.

Seræ perhorrens excidium Domus

Afflueta fingit gaudia parcius,

Utcunque devictus, trophæi

Borbonides pretiosus emptor.

Lætus propinquo furripiat mari

Si forte nudam præfidio scapham:

Seu laude venales inertem

Immerita celebrent Poetæ.

Jam mente volvens, non leve dedecus,

Classem fugatam; *Lilia* marcida

Præsentit invitus, nec ultra

Imperium meditatur orbis.

O ANNA! cujus auspiciis recens

Cingit *Britannos* laurea, militum

Applaudet virtuti, Ducesque

Egregio decoret honore.

Utcunque justas Plebs neget invida

Donare palmas, eripe lividæ

Oblivioni, vindicesque

Non dubium *Roki* Triumphum.

PLAUSUS MUSARUM

Ille *Anglicanis* certa triremibus
Tutela, quocunque impulerit ratem,
Victor redibit; seu minetur
Celtiacis nova bella campis;
Seu *Gaditani* mox relegens freti
Littus, Nepotem *Borbonidæ* paret
Arcere regnis, & reposcat
Hesperii spolia ampla Sceptri.

Tho. Powys Equ. Aur.

fil. nat. max.

ex *Æde Christi* sup. Ord. Com.

Rookus invidia major.

H *Annibal* in *Latiis* victor dum fulminat arvis,
Surgentes *Hanno* mendaci carpit honores
Eloquio, ridetque suos *Carthago* triumphos.

Sic dum *Borbonii* quaffas maria omnia circum
Rookus agit classes, congesta *Cinna* laborat
Invidia, Heroique parat divellere lauros,
Cinna bifrōns, mendax cui lato pileus orbe
Os tegit, inque vafro riget horrida pectore barba,
Ingentique solum nigra fymate pallia verrunt.

Et nunc in madido sufflat luctantia naso
Scommata, nunc laudem ambiguan, fictosque timores,
Et leni infinuat commenta arcana fufurro;
Interea tumida ora tremunt, rubet ignis ocello
Liventi, tetraque albent labra torta saliva.

Quod si avidæ gaudet tutus figmenta suburræ
Dictare, & dubias in vulgus spargere voces,
Non pariter lateri per bella Herois inermi
Hæret, hiulca globi dum robora turbine pulfant
Ardenti, fractasque trabes, ruptosque rudentes,
Seminecesque viros, & membra trementia toto
Æquore disjiciunt, dum undantem carbasa flammam
Dispergunt, fummisque strepunt incendia malis.

PLAUSUS MUSARUM

Ut circum faxa ære cavo displosa nigrantes
Agglomerant auras, ut stridens æquore toto
It sonitus! spissus piceis involvitur æther
Nubibus, & tremula resplendent æquora flamma.
Immensum *Tagus* imo exterritus amne fragorem
Exaudit, quassisque *Afra terra* resultat arenis.

O ANIMOSE HEROS si Te tot adire labores
Laudis amor, stimulisque obliqua agitarit amaris
Invidia; æternos pariter Tibi donat honores;
Et capiti imponit meritas invita corollas.
Te duce *Gallorum* naves & fibila lenta
Robora flamma ardent, aurumque gementis *Iberi*,
Et captiva alacri deducitur India *Tamo*.
Jam *Calpe* æternam statuit Tibi victa columnam.
Te pulsæ classis, Te fusi gloria *Celtæ*,
Assertique maris, gaudentibus inferit astris.

Sic odio *Alcides* actus *Junonis* iniquæ
Hesperidum nunc mala rapit, nunc *Pergama* terræ
Perjura exæquat, nunc monstra vomentia flammæ
Contundit, memorem Herois longinqua columnam
Miratur *Calpe*, atque inviso *Juno* nepoti
Exitium meditata, inopinum donat Olympum.

Hon. *Franciscus Powlet*

March. Wint. nepos.

Coll. Æn. Naf.

Landaua recepta.

DUM fractas *Gallorum* acies, correptaque tela
Danubius nigro absorbens in gurgite volvit;
 Arma movet *Leopoldi* *Hæres*, *Aquilasque* triumpho
 Torpentes infueto ornat; magni arma *Philippi*
 Famamque *Austriadum* antiquam, *Carolique* frequentes
 Par repetit lauros, & *Avitum* instaurat honorem.

Qua rapidus prono *Rhenus* devolvitur alveo
 In medias *Landaua* minax attollitur auras;
 (Bis labor heroum, dubii bis præmia belli)
 Olli centenæ defendunt ardua turrets
 Mænia, centenas defendant mænia turrets.
 Et mora fossarum triplex, & vasta fluentia
 Circumeunt, multusque haud vani fulminis Ordo.

Hic furias *Germano* omnes, & fulgura belli
 Objicit, & vario dispar *Mars* detonat igne.
 Hinc cava fumantes late æra rotantur in Orbes;
 Inde globis piceas vastis tormenta per auras
 Mille sonant; referat tellus infida cavernas
 Sulphureas, cæcamque eructat hiulca ruinam,
 Et laceras coelo rotat ater turbo cohortes.

Nequicquam;

PLAUSUS MUSARUM

Nequicquam; tonitru æterno quaffata fatiscunt
Mænia, succedit muro *Germanica* pubes
Contigua, intrepidis portæ panduntur ahenæ
Agminibus, summaque undans *Aquila* ardet in arce.

Excudit infames *Galli Lotharingia* nodos
Perjuri, *Heroum* infelix *Lotharingia* mater,
Et *Caroli* innumeris nequicquam læta triumphis.

Illa Armis *Caroli* servatos Concinit *Hunnos*,
Et falces *Thracum* infractas, *Asiamque Vienna*
Depulsam, cæfasque immani turbine gentes.
Heu frustra! inviso dum præbet aranda *Colono*
Jugera, direptos dum vastat perfidus Agros
Gallus, Vindicias *Carolus* meditatur inanes,
Victor deplorandus, & haud inglorius Exul.

Malburius graviore trementes fulmine *Gallos*
Exturbat, quatiunt victricia tela senilem
Borbonium, stragesque suas ignesque rependunt.
Cernis! ut *Angla* micant *Celtarum* signa per arces!
Ære nitent agri, hinnituque *Britannus* acuto
Pascua complet equus; lætum Sol recreat agmen
Purior, halantesque auræ, turgensque nigrantis
Uvæ luxuries, auroque nitentia mala;
It turma exultans, rimansque infueta pererrat
Vineta, & puri dona intemerata *Lyæi*

Haurit

OXONIENSIIUM &c.

Haurit nativa (labro crepitante) sub umbra,

Malburiique rudi celebrat præconia Versu.

Optato interea referat *Lutetia* portas

Victori, plaudens subit ANNÆ mite colonus

Imperium; captatque jūgum, gaudetque Catenis.

Gal. Wardour

à Coll. Reg. Sup. Ord. Comment.

PLAUSUS MUSARUM

Mercurius Parisiensis.

VOS, quibus & Novitas studio, & queis Patria cordi est,
Quosque trahunt tostas redolentia pocula baccas
Delicias *Arabum*; vel Eoa per æquora vectæ
Matutina fitis *Tææ*; miranda relatu
Exponam vobis: Heroum facta, vicesque
Fortunæ infidæ, & sævi certamina belli.
Nec dubitate meis securi credere chartis,
Quippe Ego *Mercurius*, gentes cui fama per omnes
Illibata; Mihi Patrium est non fallere, namque
Veraci *Gallo* peperit me Mater *Ierna*.

En! hic *Marsinni* calamo conscripta Tabella,
Tradendam Regi quam præpes *Pegasus* ad nos
Pertulit: Illa refert *Celtæ* quæ funera, quantas
Ediderant strages; *Britones* cum castra pararent
Arripere audaces, non Diis, non viribus æquis.

His vero mutata brevi Fortuna, sereno
Arrifit vultu; Senonum nam forte phalangi
Exiguæ, tenui qua monstrat cespite viles
Skellenberga casas, ingens sese obtulit agmen
Brutigenûm, numerisque & Marte oppressit iniquo:

Egregium

OXONIENSIMUM &c.

Egregium fane decus, & Spolia ampla *Britannis*!

Parce tamen solitos agitare *Britannia* plausus;

Altera felices invisit *Epistola Gallos*,

Instructas narrans acies, & in æquora turmas

Omnes *Borbonidum* effusas, omnesque *Bavari*:

His sese opponit *Germano* milite cinctus

Eugenius, duro invitus concurrere bello;

Illis obfistit, successu elata priori

Angligenum Virtus, pigris comitata *Batavis*.

Cernite, quantus utrinque furor, quamque aspera surgit

Pugna! sed *Eugenii* cedens victa *Ala Bavaro*,

Prima fugit, focias prodens male fida cohortes.

At non tam facilis cessit *Victoria Gallis*;

Fortius oppugnant *Britones*, fractamque parati

Instaurant aciem: sed frustra; Fata, *Navarri*

Imperium, extremas certant extendere ad oras,

Quo *Tallarde* ruis? victos quo improvidus urges?

Sat bello famæque datum est; Circumspice quot Te

Includunt *Britones*: mox victor Præda fugati

Hostis eris. Proh felicitas nimis aspera belli

Fortuna, & casus *Nimæ* Virtutis iniquus!

Diverfa prorsus lætatur sorte *Bavarus*;

Is late explicuit victricia Signa, suæque

Securus patriæ, jam *Belgarum* intonat oris,

Eugenium

PLAUSUS MUSARUM

Eugenium vicisse semel contentus, & *Istri*
Vidisse absorptas funesto gurgite turmas.

Fama refert *Calpen* obsessam Classe *Britanna*,
Excepisse Hostem, tutisque recondere portis:
Sed nondum hoc didici; nec vera & certa referre
Pollicito, dubiæ fas est mihi credere Famæ.

Quin si scire libet Pelago quid agatur, habete
Hæc mihi quæ retulit fidei dignissimus author:
Securus Palmæ, quæfivit per freta longa
Tholusius Britonum naves; Hæc protinus omnia
Vela dabant vento, & fulcabant cærula remis:
Acrius ergo instant *Galli*; sed *Rookius Anglis*
Obstat, & invitos cogit se accingere pugnae
Arma fremunt omnes: hinc unctas Stupea flamma
Incendit puppes, lateque volatile plumbum
Disjicit antennas; sed sero Vesper *Olympo*
Procedens, dirimit bellum: fugit inde *Britannus*
Defensus tenebris, & munere noctis opacæ.

Tanta est quæ nostræ succrevit Gloria genti,
Dignum Æstatis opus! super his tamen *Anglia* lætas
Instaurat pompas, fictos celebrare Triumphos
Callida; deproperantque ANNÆ sua dona, *Camænæ*
Oxonides, laudem immeritam, & mentita *Trophæa*.

O Rex magne! Tuam pariter si extollere famam

Aggre-

Aggrederer, Quantas Urbes, everſaque caſtra
 Narrarem? Pelago quot rapta trophæa *Britanno*,
Liliaque attonitum viſtricia lata per orbem?
 At non tale mihi Ingenium eſt; ſed Patria Virtus
 Nudaque ſimplicitas, & pectora neſcia fuci;
 Nec Tu mendacem ferres *Lodoice* Poetam.

Reginaldus Hawes Armigeri Filius

Coll. Exon. Commenſalis.

PLAUSUS MUSARUM

Vota Academia.

Nunc O! Calliope extremum concede Laborem
Oxonidis; Lauris restant furgentibus ANNÆ
Carmina Sacra Tuæ, gemino Dea rapta furore,
Quæ modo Præteritos cecinisti grata Triumphos,
Non vano Augurio, famæ Monumenta futuræ
Attolle, *Angliacique* opus immortale Gradiui
Deducas Serie numerosa; O! prælia *Gallis*
Longum deflenda! ut *Rhodanus* jam lenior undis
Defluit, & *Lodoix* morientia Lilia plorat!

Quales Successus, quæ non Speremus Ovantes
Armorum Spolia? *Angligenæ* dum Vota frequentes
Plausibus immiscent Sociis, ANNAMQUE fatigant
Sollicita prece gaudentem; sanctusque Senatus
Immensas effundit Opes, bene prodigus auri.

Jam medios penetrat *Senonas*, & viscera Regni
Borbonii, flammisque agros & Vindice ferro
Vastat *Malburius*; *Britonum* densa agmina Messē
Sternunt nascentis Bromii, crudosque racemos
Proculcant, pressisque Uvis tinguntur arenæ:
Mox instat *Sequanæ*, *Parisiæ*que mænia quassat
Exultans, Tremuloque Seni Diadema caducum
Eripit; heu! sævis subsidunt Tecta Ruinis

Versalia;

MOXONIENSIIUM &c.

Versalia; immundis Viridaria sparsa favillis
Arent, Artificesque ardescunt ignibus undæ.

Parte alia *Occiduas Britonum* Vexilla per Oras
Rookius expandit, palantesque Æquore toto
Prædones agitat *Gallos*; haud amplius Auro
Classis onusta rudi, & Nummis fæcunda futuris,
Hispanas vectabit Opes impune, Tyranno
Celtiaco auxilium, atque inopi Solamina Stirpi:
Mercibus *Indorum* ditiescit *Thamus*, & Urbi
Redditur *Augustæ* concretus Arundinis humor
Mellitæ, Tubulisque exhalans Planta vapores
Fumæa jucundos Baccho, atque Coloribus apta
Tingendis Arbor, Febrique inimicus acutæ
Peruvius Cortex, & Naso Pulvis amænus.
Hæc Mundus tribuit Regina præmia Pacis
Alter, & æternæ Fidei inviolabile pignus.

En! erit ut *Carolus* Regno potietur avito
Austriacum, *Angliacæque* lubens, pia fœdera gentis
Ambiet; interea Solio detruse *Philippe*
Tallardum invisis Vinctus, dum mæret Uterque
Borbonium frustra immani Ambitione furentem,
Imperiumque fugax prensantem, & inania Regna.

Et jam *Scotorum* Gens irrequieta, Vetustas
Dediscunt iras, ponuntque ferocia corda,

Brutige-

PLAUSUS MUSARUM

Brutigenumque ultro Socialia sceptrā requirunt.


At post devictos armis faelicibus Hostes,
Pacatumque Orbem, cura propiore fovebis
ANNA Tuos *Britonas*, sincero *Ecclesia* cultu
Fulgebit Mater, gremio indignata repellet
Natorum infidum Pecus, ambiguoſque *Cetbegos*.

Hæc Tibi Præſagæ promittunt Fata Sorores
Saxonidum O! REGINA Decus, quæ dona Juventæ
Aonia ſpondes, renovanſque in carmina Vires,
Suppleſ Materiem, atque accendis Marte Camænas.

Sic olim *Aeneæ*, venturi præſcia Virgo
Phœbæis afflueta adytis, & Numine plena,
Cæcas ambages Divum, atque arcana recludit
Confilia: hic Ramum pretioſo flore comantem
Pandit, Vimineumque Aurum, frondenſque Metallum.
Mox *Italas* aperit pugnas, atque horrida bella
Mezenti, fractos *Rutulos*, genibuſque minorem
Danniada, atque arvis *Troja* regnante *Latinis*,
Perpetuos *Romæ* Faſces, ſeroſque Triumphos.

Car. Dorminiqué

Coll. Di. Jo. Bapt. Gen. Com.



PERORATIO.



ANDEM (Auditores) ad Operis hodie suscepti finem fœliciter pervenimus, & Academia per optimos atque ornatissimos adolescentes, sub tuis (Reverende Vice-Cancellarie) auspiciis, justo, debitoque officio præclare functa est. Tibi igitur imprimis agit gratias, cujus prudentiæ acceptum refert, quod Honori suo tam pulchre consultum sit. Neque alia profecto Solennis lætitiæ & gratulationis ratio, vel melior excogitari potuit, vel quæ viris doctis, & in artium liberalium studia incumben-
tibus, magis conveniat: Quippe quæ cum Academiæ pietas & fides in serenissimam Reginam clare innotescit; gratus erga viros optime de *Britannia*, deque universis fociis, meritos animus abunde ostenditur;

&c

PLAUSUS MUSARUM

& pro futuro rerum gerendarum successu vota suscipiuntur: tum etiam Nobilis & Generosa pubes, simul humanioribus literis imbuitur, & ad amorem virtutis, propositis tantorum virorum exemplis, erigitur, incitatur, accenditur: quaque efficietur equidem, ut qui nunc aliorum res bene gestas laudibus efferunt, brevi eorum æmuli & æquales evadant, & à mox successura juventutis Sobole simili ratione jure laudandi esse videantur. Abcant igitur cum suis calumniis malevoli isti homines, qui Academiae honori vulnera infigunt, quasi quæ dubia esse erga Reginam fide, vel potius reguli nescio cujus partibus pronior videatur. Hæc scilicet omnia, vel vana esse constat hominum delirantium insomnia, vel falso conficta turpissime calumniantium mendacia; quorum priora apud æquos rerum aestimatores contemptu & derisu, posteriora vero odio & indignatione excipiuntur. Neque aliud profecto recipit incrementum Academiae fides, nisi quod istiusmodi hominum nota, nimiumque experta, in Regiam Majestatem perfidia, quodammodo illustretur & magis illucescat. Ignoscite (Auditores) quod hoc in loco, & coram vobis audientibus, de Academiae honore, deque iniquis quorundam hominum maledictis, paulo liberius loquutus sim: coegit enim erumpens animo & pectore justa & pia indignatio. Nunc operi nostro sua reddatur forma, & hodierno

OXONIENSIIUM &c.

dierno labori finis & tanquam fastigium imponatur. Quæ igitur & quanta pro salute patriæ, & pro *Europæ* libertate, à summis viris præclare & magnifice gesta sint, ipsorumque Ducum & Imperatorum egregiæ & singulares laudes, cum ex eorum scriptis, qui jam ante dixerunt, iustissime peti & depromi possint, tum in nostra oratione non explicabuntur. Neque enim celer illud & improvisum *Marlburi* in *Germaniam* iter; tot regiones cum exercitu perlustratas, quot alii eodem temporis spatio vix singuli peragrarent; disiecta hostium munimenta, populos *Bavarici* Principis agros, direptas urbes, expugnata Castella, præcipueque longe Nobilissimum illud *Hockstetianum* prælium, fusasque & fugatas *Bavariæ* & *Galliarum* conjunctas copias, tot talesque illarum partium viros cæsos, captos, flumine submersos; ipsumque *Tallardum*, nuper victorias, lauros & triumphos sibi promittentem, hostili curru inter alios Nobiles captivos abductum, non recipit enarranda, nedum exornanda, noster scribendi modus. Neque tamen bellicis artibus *Marlburinus*, quam domesticis & Civilibus, ornatio & instructior: nec Imperator plus contra hostes virtute, quam legatus inter focios eloquentia valuit. Crederes in eo fortitudinem & sapientiam, veram animi & ingenii magnitudinem, utra plus eluceret, contendisse. Hinc, quas æstate res magnifice gesserat, hyeme (pene dixerim)

PLAUSUS MUSARUM

dixerim) plus quam æquavit : quoniam illa Duci cum militibus, præfectis, & Centurionibus communia; hæc vero merito tota ipsius, & propria habentur. Dignus plane vir, quem tanto amore & benevolentia Princeps, tam honorifica gratiarum actione Senatus, tam grato laudationis officio Academia, tali plausu & gratulatione *Anglia*, redeuntem exciperet ! Tuas vero (Fortissime *Rooki*) res pelago gestas, licet ad splendorem forsan haud illustres æque, nec ad successum pariter felices ; re tamen ipsa non minores cognovimus : bellicorum quippe facinorum magnitudinem non fortuna, sed virtute metimur. Quamquam quid ego de successu aut splendore loquor ? Cum enim *Anglorum* classem in mari *Mediterraneo* libere navigantem, *Hispaniæ* littoribus & oppidis imminentem, nec quenquam ei ausum occurrere contemplor : Cum *Heracleam* civitatem ab *Hispaniæ* regno, veluti membrum à corpore, non sine gravi reliquarum partium dolore, revulsam & direptam video : Cum denique magnum illum, maximique discriminis diem mecum recolo, quo, productis tandem utrinque classibus, hinc pro salute & libertate *Europæ*, inde in ejusdem ruinam dimicatum est : cum fumum & ignem, sanguinem & sudorem, omnemque horrorem navalis pugnæ, vereque antiquam *Britonum* virtutem in Te tuisque militibus reviviscentem ;

tandemque

OXONIENSIIUM &c.

tandemque *Gallorum* classem recedere, & prope sua littora suosque portus, fugere coactam, & opimi triumphii instar habentem, si, nebularum & noctis caligine involuta, *Britannos* fallere & latere posset : Cogor fateri, nihil illis gestis mirabilius, nihil magnificentius, nihil clarius fieri potuisse. Quibus rebus tandem perfecisti, id quod inter homines difficillimum habetur, ut invidiam virtute partam sola virtute superasse videaris. Nollem (Auditores) hodiernæ lætitiæ ullam particulam doloris admisceri : Nollem frontes gaudio exporrectas ulla mæstitiæ recordatione corrugari : sed dum viventium laudes persequimur, defunctos plane silentio præteriri non est æquum ; nec, si pro patria victoriam reportasse ad famam honestissimum, pro eadem fortiter pugnando occubuisse non decorum est. Eorum certe non obliviscetur hæc Academia, quos ipsa olim suis ulnis, suoque gremio pia mater amplexa est ; nunc mors decora & honesta amplectitur : *Blountium, Oglethorpium, & Te charissimum* mihi olim Collegam, *Dormere*, intelligo. Quales (Deus Bone!) Adolescentes ! quam singularis ingenii ! quamque ad res diversissimas, five armorum five artium studia, five Aulæ Regiæ five senatus curas, habiles & idonei ! Quos dum ferro immature abreptos pie luget, hoc sibi interim gratulatur Academia, quod tales eduxerit & instituerit
liberos,

PLAUSUS MUSARUM

liberos, qui via virtutis ad honorem & gloriam contenderent & grassarentur. Verum his (Academici) quæ dolorem aliquem videntur afferre, non immoremur; sed potius, quod hujus diei & temporis ratio postulat, Optimæ & Felicissimæ Reginae gratulemur, quod talibus Imperatoribus, talibus ducibus & exercitibus, usa sit; quorum consilio & virtute, ipsius vero auctoritate & auspiciis, vidimus fractas terra marique *Gallorum* minas, & omnes Superbi illius Regis conatus in medio quasi cursu fluctibus obrutos, antequam portum contingere potuerunt: Vidimus fallaces *Bavarici* spes, & illum Principem nuper pertinaciter rebellem, & ad imperii fastigium affectantem iter, brevi finibus propriis mulctatum, & in alienis terris exulantem & abjectum: Vidimus denique labantes & corruentes *Austriacæ* domus & *Germaniæ* res, felici vicissitudine in integrum restitutas; & hinc ultra *Rhenum Danubiumque* flumina, inde vero ultra *Herculeas* columnas, propagatam *Britannicæ* virtutis gloriam. Sic *Elizabethæ* vestigiis optime insistit *Anna*, dum afflictis aliorum rebus succurrit, & aliorum impiam dominationis libidinem refrænat & coercet: nisi quod Illa à parvo terrarum angulo; Hæc ab universo *Germaniæ* Imperio, pestem & perniciem virtute repulit: Illa à propriis littoribus & urbibus hostem multa minitantem rejecit; Hæc, dum

dum domi tranquilla habet omnia, ab hostili littore victorias & triumphos feliciter reportat. Haftenus (Auditores) vidimus Imperatorum & militum praefidia Reginae Patriaeque non defuisse; ne illis vicissim Reginae Patriaeque defint praefidia, sapientissimi Senatores optime providerunt; qui cum ad tuendam Principis dignitatem, ad conservandum Reipublicae & Ecclesiae statum, tum ad omnia militibus necessaria suppeditanda, voluntate, studio, mente, & voce mirifice consentiunt. Quanta (Auditores) laudationis materies, si id fineret instituti nostri ratio? Quanti voluminis opus, si quis omnia ab iis sapienter relata, rogata, & decreta, figillatim exprimere & enumerare vellet? Qualis eorum versus optimam Reginam fides & reverentia! Quam singularis erga Patriam & Ecclesiam pietas! Quam prompta in pecuniis cito conferendis liberalitas & munificentia! Sic dum *Anna* foris per exercitus triumphat, domi per senatum populos volentes feliciter gubernat; & per eundem eos ipsos exercitus habet fortiores & paratiores: quasi ad illius imperium stabiliendum & illustrandum virtus & fortitudo, consilium & sapientia, contendisse viderentur. Quid ad hoc felicitatis culmen addi potest, nisi ut haec divinae providentiae beneficia, tantaque munera, propria nobis & stabilia reddantur? Quamobrem Te Deus Opt. Max. (voto enim, Auditores, finiatur oratio)

cujus

PLAUSUS MUSARUM &c.

cujus manu & potentia sustinetur hoc quicquid est Universi; cujus nutu & voluntate reguntur & gubernantur humanæ res: Te, inquam, publica voce Academia obtestatur, orat, rogatque, uti hanc Reginam, hunc Ecclesiæ & Reipublicæ statum protegere, servare, & custodire velis: ut Imperatores & exercitus tam fortes & strenuos, Senatores vero tam fideles & sapientes, perpetuo tribuere, & substituere pergas: Utque omnes omnium ordinum conatus, & omnia consilia salutaria & pia, ad optatos eventus tandem perducas; utque omnes ab impiis & sceleratis hominibus concitati fluctus, à Regina, Ecclesiæ, & Reipublicæ peste per Te depulsi, in eorum ipsorum capita redundant.

Tho. Cockman A. M.

Coll. Univ. Soc.



